

**2025 წელს სსიპ კოლეჯ „ბლექის“ უმაღლეს პროფესიულ საგანმანათლებლო
პროგრამებზე აპლიკანტთა დამატებითი შეფასების წესი**

მუხლი 1. ზოგადი დებულებები

1. „2025 წელს სსიპ კოლეჯ „ბლექის“ უმაღლეს პროფესიულ საგანმანათლებლო პროგრამებზე აპლიკანტთა დამატებითი შეფასების წესი“ (შემდგომში - წესი) განსაზღვრავს, 2025 წელს, კოლეჯის კომპეტენციის ფარგლებში, დამატებითი შეფასების მეთოდს და კრიტერიუმებს, მე-5 დონის პროფესიულ საგანმანათლებლო პროგრამაზე (შემდგომში - „პროგრამა“):
2. შეფასების შედეგების (ტესტირებისა და კოლეჯის მიერ განსაზღვრული დამატებითი შეფასების) საფუძველზე, საქართველოს განათლებისა და მეცნიერების მინისტრის 2021 წლის 02 ივლისის N 42/ნ ბრძანების შესაბამისად, გამოვლინდებიან ის აპლიკანტები, რომლებმაც მოიპოვეს შესაბამის პროფესიულ საგანმანათლებლო პროგრამაზე ჩარიცხვის უფლება.

მუხლი 2. დამატებით შეფასებაში მონაწილეობის წინაპირობა

1. კოლეჯის მიერ ორგანიზებულ აპლიკანტთა დამატებით შეფასებაში მონაწილეობის უფლება აქვს განათლების მართვის საინფორმაციო სისტემაში, შესაბამის პროგრამაზე/პროგრამაზე დაშვების წინაპირობის გათვალისწინებით, რეგისტრირებულ აპლიკანტს, რომელსაც აქვს საქართველოში გაცემული მინიმუმ სრული ზოგადი განათლების დამადასტურებელი/ან მასთან გათანაბრებული განათლების დოკუმენტი და რომელმაც გადალახა შეფასებისა და გამოცდების ეროვნული ცენტრის მიერ ორგანიზებული შეფასების მინიმალური კომპეტენციის ზღვარი.
2. კოლეჯის მიერ ორგანიზებულ დამატებით შეფასებაში მონაწილეობას ვერ მიიღებს ის აპლიკანტი, რომელმაც ვერ გადალახა შეფასებისა და გამოცდების ეროვნული ცენტრის მიერ ორგანიზებული შეფასების მინიმალური კომპეტენციის ზღვარი (ძირითადი შეფასების მეთოდი).

მუხლი 3. კოლეჯის მიერ ორგანიზებული დამატებითი შეფასების ფორმა

1. პროგრამაზე ჩარიცხვის უფლების მოპოვების მიზნით, აპლიკანტი, რომელმაც გადალახა შეფასებისა და გამოცდების ეროვნული ცენტრის მიერ ორგანიზებული

შეფასების მინიმალური კომპეტენციის ზღვარი, მონაწილეობს კოლეჯის მიერ ორგანიზებულ დამატებით შეფასებაში.

2. პროგრამაზე აპლიკანტთა დამატებითი შეფასების მეთოდია კოლეჯის მიერ ორგანიზებული მოტივაციური გასაუბრება.

მუხლი 4. მოტივაციურ გასაუბრებაზე აპლიკანტთა შეფასება

1. აპლიკანტს მოტივაციური გასაუბრების თარიღს აცნობებს კოლეჯი, მართვის საინფორმაციო ბაზაში მითითებულ ტელეფონის ნომერზე/ელექტრონულ ფოსტაზე შეტყობინების გაგზავნით.
2. მოტივაციურ გასაუბრებას ატარებს კოლეჯის დირექტორის ინდივიდუალური ადმინისტრაციულ-სამართლებრივი აქტით განსაზღვრული შერჩევის კომისია;
3. მოტივაციურ გასაუბრებაზე აპლიკანტის შეფასდება ქულათა სისტემით.
4. მინიმალური კომპეტენციის ზღვარი შეადგენს მაქსიმალური შეფასების 25%-ს. აპლიკანტი, რომელიც ვერ გადალახავს მინიმალური კომპეტენციის ზღვარს, ვერ ჩაირიცხება პროგრამაზე (თუნდაც თავისუფალი ადგილები დარჩეს);
5. შერჩევის კომისია აპლიკანტს აფასებს წინამდებარე წესის №1 დანართის სახით წარმოდგენილი შეფასების კრიტერიუმების შესაბამისად;
6. მოტივაციური გასაუბრების შეფასების კრიტერიუმების კოეფიციენტები და შეწონილი ქულები განისაზღვრება ამ წესის №2 დანართის შესაბამისად.
7. კომისიის თითოეული წევრი აპლიკანტს აფასებს ინდივიდუალურად. აპლიკანტის მიერ დაგროვილი ქულის გამომანგარიშების მიზნებისთვის, კომისიის წევრების მიერ გაცემული შეფასება იკრიბება და იყოფა შეფასებაში მონაწილე კომისიის წევრთა რაოდენობაზე.
8. მოტივაციური გასაუბრება მიმდინარეობს კოლეჯში (ბათუმი, ლერმონტოვის N92ა), პირისპირ ფორმატში. აუცილებლობის შემთხვევაში (მათ შორის, პანდემიით გამოწვეული სხვადასხვა შეზღუდვის პირობებში), შესაძლებელია, მოტივაციური გასაუბრების ჩატარება დისტანციური კომუნიკაციის ელექტრონული პლატფორმის გამოყენებით;

მუხლი 6. შეფასებაში მონაწილე აპლიკანტთა უფლება-მოვალეობები

1. აპლიკანტი უფლებამოსილია იცნობდეს შეფასების კრიტერიუმებს. კოლეჯი შეფასების წესს განათავსებს საინფორმაციო დაფაზე, კოლეჯის ვებ-გვერდსა და სოციალურ ქსელში;
2. შეფასებაში მონაწილე აპლიკანტი ვალდებულია დროულად გამოცხადდეს შეფასებაზე და თან იქონიოს პირადობის დამადასტურებელი დოკუმენტი. აპლიკანტი არ დაიშვება შეფასებაზე, პირადობის დამადასტურებელი დოკუმენტის გარეშე;
3. აპლიკანტი უფლებამოსილია, მოითხოვოს შეფასების თარიღის შეცვლა, საპატიო გარემოებების არსებობისას, (შესაბამისი გარემოებების დამადასტურებელი დოკუმენტის საფუძველზე);

4. ამ მუხლის მე-3 პუნქტით გათვალისწინებულ შემთხვევაში, აპლიკანტმა უნდა მიმართოს კოლეჯს, შეფასების თარიღამდე არაუგვიანეს 2 დღით ადრე. შესაძლებელია, აპლიკანტი ჩაერთოს შეფასებაში დისტანციური კომუნიკაციის პლატფორმის გამოყენებით. კოლეჯი, შეფასების დღეს, აპლიკანტს მიაწოდებს საკომუნიკაციო ბმულს (Zoom პლატფორმა).
5. გასაუბრების პროცესში დისტანციურად ჩართვის შემთხვევაში აპლიკანტი ვალდებულია უზრუნველყოს ვიდეო-ჩართვა.
6. კოლეჯი იხსნის პასუხისმგებლობას თუ აპლიკანტი მისი მხრიდან ტექნიკური გაუმართაობის გამო ვერ მოახერხებს შეფასების პროცესში დისტანციურად ჩართვას;
7. შერჩევის კომისიის წევრი, შესაბამისი გარემო - პირობების გათვალისწინებით, უფლებამოსილია დისტანციურად ჩაერთოს კომისიის მუშაობაში და უზრუნველყოს ელექტრონულ პლატფორმაზე აპლიკანტის შეფასებების ასახვა.

აპლიკანტი: _____

სახელი და გვარი

მოტივაციური გასაუბრება: შეფასების ფორმა

1. ინფორმაცია პროფესიის შესახებ

აპლიკანტი ფლობს ინფორმაციას პროფესიის ისეთი ასპექტების შესახებ, როგორიცაა: სამუშაოს მოცულობა, სამუშაოს ტიპი, სამუშაო გარემო, ფუნქცია-მოვალეობები, დასაქმების შესაძლებლობები, სამუშაოს დადებითი მხარეები და სირთულეები, ანაზღაურება.	4	3	2	1	0	აპლიკანტი არ ფლობს ინფორმაციას პროფესიის შემდეგი ასპექტების შესახებ: სამუშაოს მოცულობა, სამუშაოს ტიპი, სამუშაო გარემო, ფუნქცია-მოვალეობები, დასაქმების შესაძლებლობები, სამუშაოს დადებითი მხარეები და სირთულეები, ანაზღაურება.
---	---	---	---	---	---	---

2. პროფესიული ცნობისმოყვარეობა

გამოირჩევა სამიზნე პროფესიასთან შესაბამისი საგნებისადმი/საკითხებისადმი ინტერესით, იჩენს ინიციატივას; იცის როგორ უნდა მოიძიოს ინფორმაცია მისთვის საინტერესო პროფესიული საკითხების შესახებ;	4	3	2	1	0	პროფესიასთან დაკავშირებული საგნების მიმართ განსაკუთრებული ინტერესით არ გამოირჩევა. არ აქვს გაცნობიერებული მისთვის საინტერესო ინფორმაციის მოძიების საჭიროება.
---	---	---	---	---	---	--

3. მსგავსი სამუშაოების შესრულების გამოცდილება

აპლიკანტს აქვს პროფესიისთვის დამახასიათებელი სამუშაოების შესრულების გამოცდილება (ფორმალურად ან არაფორმალურად). მან იცის, რომელი ძირითადი სამუშაო იარაღები/ტექნიკა/აღჭურვილობა გამოიყენება პროფესიაში და აქვს მათი გამოყენების მინიმალური გამოცდილება მაინც.	4	3	2	1	0	კანდიდატს არ შეუსრულებია პროფესიისთვის დამახასიათებელი სამუშაოები, არ ფლობს ინფორმაციას ამ სამუშაოებისა და ძირითადი იარაღების/ტექნიკის/აღჭურვილობის შესახებ, რომელიც გამოიყენება პროფესიაში.
---	---	---	---	---	---	--

4. პროფესიის მნიშვნელობის გააზრება

კანდიდატს კარგად აქვს გააზრებული პროფესიის ძირითადი ღირებულება/დანიშნულება როგორც ლოკალურ (თემის/სოფლის/ქალაქის), ასევე ეროვნულ (ქვეყნის/საზოგადოების) კონტექსტში. აცნობიერებს საკუთარ წვლილს პროფესიის განვითარებაში. აპლიკანტის პასუხები მეტყველებს მის გააზრებულ არჩევანზე.	4	3	2	1	0	კანდიდატს არ აქვს გააზრებული პროფესიის ძირითადი ღირებულება/დანიშნულება და თავისი როლი ამ პროფესიაში; არ აქვს გააზრებული საკუთარი წვლილი პროფესიის განვითარებაში; მისი პასუხები მეტყველებს იმაზე, რომ კოლეჯში ჩაბარების გადაწყვეტილება არ აქვს გააზრებული.
5. პროგრამაზე სწავლის მზაობა						
კანდიდატს კარგად აქვს გაცნობიერებული კოლეჯში სწავლის გადაწყვეტილება; ფლობს ინფორმაციას პროგრამის ძირითადი სპეციფიკის (დატვირთვა, სწავლების ხანგრძლივობა) შესახებ. მეტ-ნაკლებად სრულად ფლობს ინფორმაციას პროგრამაზე შესასწავლი საგნების შესახებ. ინფორმაცია რელევანტურ წყაროებზე დაყრდნობით აქვს მოძიებული. პროგრამაზე ჩაბარების ძირითადი მოტივი სამიზნე პროფესიისადმი ინტერესია. მას კარგად აქვს გააზრებული სამომავლო გეგმები. შეგვიძლია ვთქვათ, რომ კანდიდატს პროგრამაზე სწავლის მზაობა აქვს.	4	3	2	1	0	კანდიდატს არ აქვს გააზრებული კოლეჯში სწავლის გადაწყვეტილება; არ ფლობს ინფორმაციას პროგრამის ძირითადი სპეციფიკის (დატვირთვა, სწავლების ხანგრძლივობა) შესახებ. არ ფლობს ან არასწორ ინფორმაციას ფლობს პროგრამაზე შესასწავლი საგნების შესახებ. ინფორმაცია ან საერთოდ არ მოუძიებია, ან არარელევანტურ, ნაკლებად სანდო წყაროებზე დაყრდნობით აქვს მოძიებული. არ იკვთება ინტერესი შერჩეული პროფესიული პროგრამის მიმართ. შეგვიძლია დავასკვნათ, რომ კანდიდატი ნაკლებად არის მზად აღნიშნულ პროგრამაზე სწავლისთვის.
6. კარიერული განვითარების გეგმები						
აპლიკანტი დაინტერესებულია პროფესიის შესწავლით. გაცნობიერებული აქვს თუ რატომ სურს ამ პროფესიის დაუფლება, როგორ და რაში გამოიყენებს არა მარტო პროფესიას, არამედ მასთან დაკავშირებულ ცოდნასა თუ უნარ-ჩვევებს; ჩამოყალიბებული აქვს კონკრეტული მოლოდინი პროფესიის მიმართ და მკაფიოდ აქვს გაცნობიერებული საკუთარი ადგილი და როლი პროფესიაში.	4	3	2	1	0	აპლიკანტი არ ავლენს ინტერესს პროფესიისადმი; არ აქვს მკაფიო მოლოდინი პროფესიის მიმართ; არ აქვს გაცნობიერებული პროფესიასთან დაკავშირებული დადებითი მხარეები ან სირთულებები; არ აქვს პროფესიასთან დაკავშირებული სამომავლო გეგმები და ვერ აანალიზებს საკუთარ ადგილსა და როლს ამ პროფესიაში.

კომისიის წევრი:

სახელი, გვარი, ხელმოწერა

აპლიკანტი: _____
(სახელი და გვარი)

კომისიის წევრები:							
		1. ინფორმაცია პროფესიის შესახებ	2. პროფესიული ცნობისმოყვარეობა	3. მსგავსი სამუშაოების შესრულებით დაინტერესება	4. პროფესიის მნიშვნელობის გააზრება	5. პროგრამაზე სწავლის მზაობა	6. კარიერული განვითარების გეგმები
1		4	4	4	4	4	4
2							
3							
4							
5							
6							
7							
8							
საშუალო ქულა:		4,0	4,0	4,0	4,0	4,0	4,0
შეწონილი ქულა:		8,0	4,0	4,0	4,0	12,0	8,0
ჯამური ქულა:		40,0					
პროცენტული წილი:		100,0%					

კანდიდატის სრული ქულა: 100

შერჩევის კომისიის წევრთა ხელმოწერები: